




Monsieur.

Puis que toutes les puissances de mon ame et de ma
 Vie, ne sont guidées que du respect de Vostre service,
 vous excuseret s'il vous plaît mon oysiveté de ce
 que j'ay retardé si longtemps a vous escrire, neantmoins
 me persuadant que vous auriez assez entendu des
 autres tous les particularitez de nostre estat, j'ay
 differé jusque a la plus commode occasions la quelle
 j'ay prins a la bride pour vous supplier de ne vouloir
 prendre en mal parte, ni penser que l'amitié passé
 par Mons^r. mon Cousin Guerius soit tout refroidie par
 un si long silence, mais plustost reconnoistre la
 constance et la resolution que j'ay apporté, car il faut
 véritablement que ie vous dise Monsieur, que le
 premier jour que le ciel me fit naistre l'honneur
 de voir Vostre Seigneurie, ce n'ay rien eu de si doux
 a mon contentement que cet Veux ny de si chere a mon
 affection que les Veux et les vœux que ie dressay,
 Lors au service de Vostre grandeur sachant bien que
 ceste passion vous est inconnue, mais attendant que
 la Fortune vous la face paroistre et que vous en
 favez l'esprouve, ie vous offriray par cest present,
 tout ce qui est de mon service et affection, a fin que
 par cest douce reception ie sois doresnavant puis
 aguilloné de sacrifier les puissances de me. Volonté
 et les forces de mon esprit a la gloire de Vostre nom

il Vous souvient que du commencement par Vostre favorable
recommandation a Mons^r Haleweijn j'ay obtenu la charge
de Capitain Lieutenant de Mons^r notre general Schkoppe
dont peu de temps apres a Rio S^t Francisco ie suis avan-
cé de Capitain jusques a la dernière nostre malheureuse
deffuite apres quelle ma Compagnie a esté aussi reformé
recevant un autre Compagnie du regiment de Monsieur
Cerrevel et puis que nous attendons encore un autre
secours de Hollande, j'espere que son Altesse prendra
en consideration des Vieilles officiers qui si long temps
ont enduré tant de misere, si donc son Altesse fera
encore des autres nouveaux regimens, il Vous plaise
avoir souvenance de ma poure et malheureuse personne
ayant servi depuis la siege de Boisleduc a l'armé
des Suedois, en Moscovie, auprès des Hespoyz et en Portu-
gal, esperant apres ²⁴ ayant tant cherché la fortune de
l'avoir trouvé par Vostre assistance, et si son Altesse
me voudroit gratifier avec la charge de Lieutenant
Colonel alors j'espere par la grace de Dieu en tous les
occasions quitter mon obligation comme un homme de
bien doit faire, priant le Createur qu'il veuille
combler de toutes benedictions tout Vostre honorable
famille, augmenter Vostre grandeur, et Vous faire la
grace de Venir au but ou Vous aspirez, et moy de me
donner le moyen de me signaler a eternité.

Fort Prins Guillaume en Brasill
le 22^{esme} d'Avril l'an de grace
1649.

Monsieur
Vostre tres affectionné
et humble serviteur
Benjamin de Siegen



A Monsieur
Monsieur Huygens,
Seigneur de Zullicum, conseiller
et secretaire de son Altesse

a
La Haye.

de venir au but ou vous pres
r le moijen de me signaler a e
villaine en Brasill
Avril l'an de grace
1649.

M
Vostre
et hui
Benjan